

蒹葭樓詩

二八七

近兩年作

黃節

社園與林宰平話別

遠瀑峯高近可聞，嶄嶄湖上有林君。詩懷欲靜忘清濁，
世眼無明及泯，禁束草低根留性在，寸稊寒柳帶春分。人生
難別花時節，惜此須臾盡夕雲。

大連灣別胡子晉

渡遼無地託身難，慚愧生平慕幼安，強爲故人回別淚，眼
中滄海有停瀾。

三月十七日登粵秀山

去鄉廿載闕登臨，不盡紅棉此日心，(紅棉草堂在鎮海樓右
側，已夷爲山路；猶有數樹，未盡拔去。) 文教滅亡何有地，江山蕪亂
又成林。馬行石榜三君篆，(三君祠在山麓祀虞仲翔韓昌黎蘇東
坡祠址已廢，祠篆石榜陳蘭甫所篆，平置路旁，行人踐踏。) 鳥囀蒼崕
百步陰。(百步石在三君祠前，石級猶存。) 猶許老夫來弔望。(龍濟光
據粵時，置礮臺其上，不許游人登覽，今已解禁。) 舊蹤無意更追尋。
菊坡精舍，學海堂，啓秀樓，沿山名勝，已拆毀無餘矣。)

游荔枝灣

東去珠江水復西，江波無改水西隄；畫船士女親操楫，晚
粥魚蝦細斷蠶。出樹亂禽忘雨後，到篷殘日與橋齊。重來
三月灣頭路，蔽海遮天綠尙低。

九日沙河登高

絕田一逕夾修禾，積綠連林出澗阿。歷歷岡原無改景，
岿岿沙路久遷河；山圍封樹行楸地，日在衰楊野雀窠。引領

墓門腰脚健，登高吾敢謝蹉跎！

送王秋湄

南禽代馬各依依，不謂歸鄉客又歸。少爲井閩譚往劫，再沽魚鱗試初肥。冬來不減方秋味，(南方至冬始有北方秋味，久客歸來，不覺以爲異矣。)江合無如一鳥飛。祇此去留還莫共，有人能說不相違。

官廡梅花

丹葉黃英已後時，廿年歸客到冬知。尋常不見衙齋雪，多負梅花似雪枝。

送劉栽甫

古有饑驅樂去官，人生得性孰云難？西湖江國元無異，夜雪梅花一以寒。衆裡偶然隨墮落，萬方何處告平安？我懷莫遣家鄉計，苦欲從君黃浦灘。

鼎湖飛水潭同林宰平

魚網掛高崖，密疏可盈尺；忽爾修罟垂，千魚落籍籍。飛絲一翕張，秋山狹闊白，癡作龍在淵，旁起虎蹲石；落日碎丸丸，穿籐戰格格，長流淨翠玉，歎沫濕玄鬪。不待尋聲來，登山所莫逆。經行游士眼，若視尋常跡；雖涉磴百盤，未奪嶺一席。鼎湖豈難到，良朋乃易隔。(游山明日宰平北返矣。)寒光斂歸樹，佇立留過客。

二月十四日東山寓樓

坐覺春陰轉北風，換晴將雨去何從？栖遲一閣山相對，眇窳兩沙江更空。(樓居望見大沙二沙尾。)原野澤微纔點綠，嶺雲朝霧不成虹；桔槔許有回天力，百畝荒畦在屋東。

濠鏡寄廣州羅原覺

山翠當門且卜居，一年塵事了無餘。意多始覺泉明晚，跡近能令務觀疏。鄰樹鳥鳴同止止，海波鷗沒不徐徐，眼前物我俱難得，回首鄉邦獨累歔。

客居

三面山橫百畝勝，夏苗無雨長鬚鬢；行雲暫作須臾陰，海氣將成次第層。近水樹榮招去榜，上街魚美出嚴罾；客廚尚有烹鮮計，不及鄉風豉土鱖。

楊少勤胡蔭蓀兩生過謁高樓別後寄

海角同携犯雨尋，叩門驚起已宵深。遲明會見山相對，入夢方持日就沉。風轉樹間留去葉，灰成燭後盡餘心。老懷不爲英年語，地動天迴力儻任。

端陽

羣鳥不渡海，况復競舟人？投糴虛魚鼈，抽蒲榜里鄰。長沙始能弔，異地更無親。風起江湖遠，南灣一望津。

澳居雜詩

倚欄樹不到簷庭，白日初黃月淡青。樓外是山山後海，人生難得此居停。

一灣水弱不流花，寂寂連山長草芽。五月海風多帶雨，亂颿隨雨過前沙。

濕草低田旱亦枯，海州誰謂水都無？憮然中谷三章後，不是憂深獨老夫。

巢鳥因風落短簷，屢回頭處語詹詹。此情祇有卿能識，兩後闌干不上簾。

淘河洿澤日啾啾，豈有飛魚更可求？三十六鱗初上水，却無人釣馬留洲。（澳門島名。）

雨

雨帶朝噉風又催，井泉枯竭未能回。海扶山氣行行去，鴨上枝陰默默哀；渾擾羊羣時亦鬥，(鄰居畜羊取渾羊忽馴忽鬥)書隨魚販日還來。地窮不負人求給，船載松江水一杯。(客書來言香港水荒遠自上海載水濟民食)

送客東南樓月中

山月出海白，晚雨收玄冥。登樓望故國，送客揚歸舲。中宵發南灣，平旦過新汀；水行不逾宿，心遠當逃溟。栖栖雲間鶴，砉砉風後萍；浩浩波上鷗，寥寥欄外星。攬裾思故好，攜手傷軒輊。爲言異方客，來此得安寧！

十五夜無月

夜夜重陰世莫窺，今宵無月始驚奇。浮雲落與人爭渡，漁火明如海有涯。萬象至今仍彷彿，衆山纔隱復參差。高樓不待張鐙坐，天末波光白上眉。

南灣觀朝雨

暫輟書聲對遠山，平生好景不多間。天逢一雨欣欣樂，海納羣峯故故彎。得水鵝鷗逾斗大，浸田稂莠與人頑。繁憂却在治詩日，又見朝陽轉北灣。

大雨登樓作

滄海無端飛上天，水浮山欲起中懸。大魚出樹時高下，渴馬收江直萬千；濕翼惹鷺窮鱣所，涉波駭豕在人前。雷風不礙登高目，祇有滔滔是逝川。

殘月

殘月窺窗獨起望，近山樓火澹無光。欲留睡眠看朝日，却怪晨鷄上女桑。天際鳥巢先地白，海邊魚薄有星黃。人生最爲